



JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT: PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 1020500000088171, DEVIZNI-IBAN: BA39+1020500000088171 SWIFT: UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: UD-4763-1-2.1./2026
Datum: 18.03.2026.godine
Mjesto: Sarajevo

Na osnovu člana 70. stav (4), a u vezi sa članom 69. stav 3) Zakona o javnim nabavkama ("Službeni glasnik BiH", broj: 39/14, 59/22 i 50/24), člana 58. Statuta Javnog preduzeća Željeznice Federacije Bosne i Hercegovine, društvo sa ograničenom odgovornošću Sarajevo ("Službene novine FBiH", broj: 27/06, 5/08, 49/08, 57/09, 59/11, 92/12, 58/15, 24/17 i 68/22), člana 3. stav 3 i člana 5. Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine, Uprava Društva na 96. sjednici, održanoj dana 18.03.2026. godine donijela je:

O D L U K U
o otkazivanju postupka javne nabavke

I

Otkazuje se postupak javne nabavke roba – Provodnih izolatora, odvodnika prenapona i SN osigurača za SPEV, tender broj: UD-23471-1/2025.

II

Postupak se otkazuje na osnovu člana 69. stav 3) Zakona o javnim nabavkama ("Službeni glasnik BiH" broj: 39/14, 59/22 i 50/24), odnosno iz dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

III

Za realizaciju ove Odluke zadužuju se Ekonomski poslovi Društva - Sektor za nabavke i prodaju.

IV

Ova Odluka stupa na snagu danom donošenja.

O b r a z l o ž e n j e

Uprava Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: UD-23415-1-2.8./2025 od 25.12.2025. godine odobrila pokretanje postupka putem konkurentskog zahtjeva za dostavu ponuda za javnu nabavku roba – Provodnih izolatora, odvodnika prenapona i SN osigurača za SPEV, tender broj: UD-23471-1/2025.

Rješenjem VD Predsjednika Uprave - Generalnog direktora broj: 1-23718-1/2025 od 30.12.2025. godine, imenovana je Komisija za nabavke (u daljem tekstu: Komisija) koja je provela postupak nabavke u sljedećem sastavu: Amir Lukovac – predsjedavajući, Haris Trapara – član i Elvedin Smajić – član. Sekretar Komisije je Anida Tahmišćija Macić.

Obavještenje o nabavci je objavljeno na portalu javnih nabavki dana 15.01.2026. godine, broj obavještenja: 1050-7-1-17-3-18/26. Sažetak Obavještenja o nabavci je objavljen u "Sl. glasniku BiH" broj: 5, od 23.01.2026. godine.

Na osnovu člana 63. Zakona o javnim nabavkama ("Službeni glasnik BiH", broj: 39/14, 59/22 i 50/24), (u daljem tekstu: Zakon), Komisija je dana 28.01.2026. godine u 11:30 sati, izvršila javno otvaranje ponuda, bez prisustva predstavnika ponuđača. Do roka određenog za prijem ponuda, blagovremeno je pristigla 1 (jedna) ponuda i to:

1. Ponuda ponuđača **NEXEN d.o.o. Banja Luka**, koji je ponudio sljedeće:

UIC 50

Bosna i Hercegovina

JP ŽFBH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

Cijena: 49.899,98 KM (bez PDV-a), odnosno 58.382,98 KM (sa PDV-om),
Uslovi i način plaćanja: 60 dana od dana uredno ispostavljene fakture za isporučenu robu.
Rok izvršenja: 6 dana od dana ispostavljanja naružbenice od strane Ugovornog organa.

Komisija je pristupila pregledu i ocjeni pristigle ponude, te konstatuje sljedeće:

Ponuda ponuđača NEXEN d.o.o. Banja Luka je ocijenjena kao prihvatljiva na osnovu člana 2. stav (1) tačka I) pod 1) Zakona, jer ponuđač ispunjava sve kriterije za izbor najpovoljnije ponude iz tenderske dokumentacije, te je ponuda u skladu sa tehničkom specifikacijom, uz obavezu ponuđača da dostavi potrebne dokaze u vezi sa dostavljenim izjavama iz članova 45. i 47. Zakona o javnim nabavkama, u roku od 5 (pet) dana od dana prijema Odluke o izboru najpovoljnijeg ponuđača.

Cijeneći navedeno, Komisija je prvobitno utvrdila da su ispunjeni zakonski uslovi za nastavak postupka nabavke i dodjelu ugovora, te u skladu sa članom 19. stav (1) Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo, daje preporuku Upravi Društva za donošenje Odluke o izboru najpovoljnijeg ponuđača u postupku za javnu nabavku roba – Provodnih izolatora, odvodnika prenapona i SN osigurača za SPEV, tender broj: UD-23471-1/2025 i to ponuđaču NEXEN d.o.o. Banja Luka, u ukupnom iznosu od 49.899,98 KM (bez PDV-a), odnosno 58.382,98 KM (sa PDV-om), a u skladu sa članom 64. stav (1) tačka a) Zakona, tj. u skladu sa kriterijem ekonomski najpovoljnije ponude.

U toku realizacije postupka javne nabavke donesena je Odluka o izboru najpovoljnijeg ponuđača broj: UD-2068-1-4.3./2026 od 05.02.2026. godine, kojom je kao najpovoljniji ponuđač izabran **NEXEN d.o.o. Banja Luka**. Ugovorni organ je Obavještenjem broj: 1-2538-1/2026 od 11.02.2026. godine obavijestio ponuđača o ishodu postupka. U skladu s navedenom odlukom, izabranom ponuđaču dostavljen je na potpis Ugovor - Okvirnog sporazuma broj: UD-23471-1/2025-OS od 20.02.2026. godine.

Dana 09.03.2026. godine Ugovorni organ je zaprimio dopis ponuđača **NEXEN d.o.o. Banja Luka** kojim isti obavještava Ugovorni organ da, zbog novonastale situacije i nemogućnosti isporuke robe od strane proizvođača, nije u mogućnosti potpisati Okvirni sporazum te je Ugovornom organu vratio nepotpisane primjerke ugovora.

S obzirom na to da u predmetnom postupku javne nabavke nije bilo drugih ponuđača čija je ponuda ocijenjena prihvatljivom, a imajući u vidu odredbe člana 72. stav (3) Zakona o javnim nabavkama, Ugovorni organ nije u mogućnosti dodijeliti ugovor drugom ponuđaču.

Shodno navedenom, Komisija je konstatovala da nisu ispunjeni zakonski uslovi za nastavak postupka nabavke i zaključenje ugovora, te dala p r e p o r u k u Upravi Društva za donošenje odluke o otkazivanju predmetnog postupka javne nabavke u skladu sa članom 69. stav (3) Zakona, zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Uprava Društva je prihvatila preporuku Komisije, te je u skladu sa navedenim odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, putem ugovornog organa, u roku od 5 (pet) dana od dana prijema iste, a u skladu sa članom 99. i 101. Zakona.

Dostaviti:

- Željeznička infrastruktura,
- Sektor plana, analize i raspoređivanja prihoda,
- Sektor za nabavke i prodaju/x2,
- Ponuđaču,
- Uz Zapisnik,
- a/a.



Predsjednik Uprave – Generalnog direktora

Mirza Hadžibegić, dipl.ecc.